



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ԴԻԼԻՋԱՆԻ ՔԱՂԱՔԱՅԻՆ ՀԱՄԱՅՆՔԻ ՂԵԿԱՎԱՐ**

Հայաստանի Հանրապետության Տավուշի մարզի Դիլիջանի քաղաքային համայնք  
ՀՀ, Տավուշի մարզ, ք.Դիլիջան, Մյասնիկյան 55 (+374 268) 2-25-85  
dilijan1@yahoo.com

**Ո Ր Ո Շ ՈՒ Մ**

14 սեպտեմբերի 2012թվականի N 417-Ս

ԴԻԼԻՋԱՆԻ ՔԱՂԱՔԱՅԻՆ ՀԱՄԱՅՆՔԻ ՂԵԿԱՎԱՐԻ ԹԵԿՆԱԾՈՒ Ժ. ՍԱՀԱԲԱԼՅԱՆԻ  
ՆԱԽԸՆՏՐԱԿԱՆ ՇՏԱԲԻ ԿՈՂՄԻՑ 2012 ԹՎԱԿԱՆԻ ՍԵՊՏԵՄԲԵՐԻ 19-ԻՆ ՆԱԽԸՆՏՐԱԿԱՆ  
ՀԱՆՐԱՀԱՎԱՔ ԿԱԶՄԱԿԵՐՊԵԼՈՒ ԻՐԱԶԵԿՈՒՄՆ Ի ԳԻՏՈՒԹՅՈՒՆ ԸՆԴՈՒՆԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 32 հոդվածի 17) և 33 հոդվածի 6) կետերով, «Հավաքների ազատության մասին» Հայաստանի Հանրապետության օրենքի 20-րդ հոդվածով, նկատի ունենալով 2012թ. սեպտեմբերի 19-ին հանրահավաք կազմակերպելու մասին Դիլիջանի քաղաքային համայնքի ղեկավարի թեկնածու Ժ. Սահաբալյանի նախընտրական շտաբի իրազեկումը և Հայաստանի Հանրապետության Ոստիկանության Դիլիջանի բաժնի կարծիքը

**ՈՐՈՇՈՒՄ ԵՄ.**

1. 2012թ. սեպտեմբերի 19-ին Դիլիջան քաղաքում նախընտրական հանրահավաք կազմակերպելու մասին Դիլիջանի քաղաքային համայնքի ղեկավարի թեկնածու Ժ. Սահաբալյանի նախընտրական շտաբի իրազեկումը ընդունել ի գիտություն:
2. Հանրահավաքը անցկացնել իրազեկման մեջ նշված վայրում և ժամկետում՝
  - 1) հանրահավաքի վայրը՝ Դիլիջանի կենտրոնական հրապարակ
  - 2) հանրահավաքի սկիզբը՝ ժամը 16:00
  - 3) հանրահավաքի ավարտը՝ ժամը 19:00
  - 4) հանրահավաքի մասնակիցների մոտավոր թիվը - 1000 մարդ:
3. Սույն որոշման մասին հայտնել Հայաստանի Հանրապետության Ոստիկանության Տավուշի մարզային վարչության Դիլիջանի բաժնին և հանրահավաքի կազմակերպիչներին:
4. Հանձնարարել Հայաստանի Հանրապետության Տավուշի մարզի Դիլիջանի քաղաքային համայնքի ղեկավարի աշխատակազմի քարտուղարին՝ իրականացնելու սույն որոշումից բխող գործառույթները:

ՀԱՄԱՅՆՔԻ ՂԵԿԱՎԱՐԻ Ժ/Պ՝  ԱԲՄԵՆ ՄԱԿԱՐՅԱՆ

2012 թ. սեպտեմբերի 14  
ք.Դիլիջան



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ԴԻԼԻՋԱՆԻ ՔԱՂԱՔԱՅԻՆ ՀԱՄԱՅՆՔԻ ՂԵԿԱՎԱՐ**

Հայաստանի Հանրապետության Տավուշի մարզի Դիլիջանի քաղաքային համայնք  
ՀՀ, Տավուշի մարզ, ք. Դիլիջան, Մյասնիկյան 55 (+374 268) 2-25-85  
dilijan1@yahoo.com

**Ո Ր Ո Շ ՈՒ Մ**

14 սեպտեմբերի 2012 թվականի N 418-Ս


**ԴԻԼԻՋԱՆԻ ՔԱՂԱՔԱՅԻՆ ՀԱՄԱՅՆՔԻ ՎԱՐՉԱԿԱՆ ՄԱՀՄԱՆՆԵՐՈՒՄ ԸՆԴԳՐԿՎԱԾ 750-001 ԾԱԾԿԱԳՐՈՎ ՀՈՂԱՄԱՍԻ ՄԻ ՄԱՍԻ ՆԿԱՏՄԱՍԲ ՀԱՄԱՅՆՔԻ ՍԵՓԱԿԱՆՈՒԹՅԱՆ ԻՐԱՎՈՒՆՔԸ ՊԵՏԱԿԱՆՈՐԵՆ ԳՐԱՆՑԵԼՈՒ ՄԱՍԻՆ**

Դիլիջանի քաղաքապետարանի քաղաքաշինության և հողօգտագործման հարցերի հանձնաժողովը առաջարկություն է ներկայացրել համայնքի ղեկավարին Դիլիջանի քաղաքային համայնքի վարչական սահմաններում ընդգրկված, կադաստրային քարտեզի 750-001 ծածկագրով հողամասի մի մասի՝ 150.0քմ մակերեսով հողամասի նկատմամբ պետականորեն գրանցել համայնքի սեփականության իրավունքը /կցվում է հողամասի գլխավոր հատակագիծը/: Նշված հողամասը հանդիսանում է համայնքի սեփականությունը համաձայն Հայաստանի Հանրապետության կառավարության 2005 թվականի հուլիսի 21-ի թիվ 1767-Ն որոշման, ըստ համայնքի կադաստրային քարտեզի ընդգրկված է «Հատուկ պահպանվող տարածքների հողերի» կազմում:

Հիմք ընդունելով Հայաստանի Հանրապետության Հողային օրենսգրքի 56 հոդվածի, ինչպես նաև Հայաստանի Հանրապետության կառավարության 2005թ. դեկտեմբերի 29-ի թիվ 2387-Ն որոշման պահանջները և ղեկավարվելով «Տեղական ինքնակառավարման մասին» Հայաստանի Հանրապետության օրենքի 38 հոդվածի պահանջներով՝

**ՈՐՈՇՈՒՄ ԵՄ.**

1. Դիլիջանի քաղաքային համայնքի վարչական սահմաններում ընդգրկված «Հատուկ պահպանվող տարածքների հողերից», 750-001 ծածկագրով հողամասի մի մասին՝ 150.0քմ մակերեսով հողամասին տալ նոր հասցե՝ Գետափնյա փողոց թիվ 3/9:
2. Դիմել Հայաստանի Հանրապետության կառավարությանն առընթեր անշարժ գույքի կադաստր պետական կոմիտեի Դիլիջանի ստորաբաժանում, ըստ Դիլիջանի համայնքի հողերի կադաստրային քարտեզի 750-001 ծածկագրով հողամասի մի մասի՝ 150.0քմ մակերեսով հողամասի նկատմամբ համայնքի սեփականության իրավունքը պետականորեն գրանցելու նպատակով:



**ՀԱՄԱՅՆՔԻ ՂԵԿԱՎԱՐԻ Ժ/Պ՝** *(Handwritten signature)* **ԱՐՄԵՆ ՄԱԿԱՐՅԱՆ**

2012 թ. սեպտեմբերի 14  
ք. Դիլիջան